



SIARAN MEDIA

www.jkkn.gov.my

UNTUK SIARAN SEGERA

Bil. 3/2025

JOM IFTAR DI DATARAN MERDEKA

KUALA LUMPUR, 16 Mac 2025 – Kementerian Pelancongan, Seni dan Budaya (MOTAC) melalui Jabatan Kebudayaan dan Kesenian Negara (JKKN) menganjurkan program Iftar @ KL selama empat (4) hari iaitu pada 15, 16, 22 dan 23 Mac 2025 bertempat di Jalan Raja, Dataran Merdeka Kuala Lumpur. Selain JKKN, Dewan Bandaraya Kuala Lumpur (DBKL) turut terlibat dalam melaksanakan program ini pada minggu seterusnya. Program telah dihadiri oleh YB Tuan Khairul Firdaus Akhbar Khan, Timbalan Menteri Pelancongan, Seni dan Budaya pada 15 Mac 2025 bersama tetamu VIP yang lain bagi merasmikan Iftar@KL 2025.

Iftar @ KL yang dianjurkan oleh JKKN merupakan anjuran bersama dengan rakan-rakan strategik iaitu Dewan Bandaraya Kuala Lumpur (DBKL) dan Kelab Warisan Seni Samudera. Selain itu, antara rakan penganjur Iftar @ KL pada tahun ini adalah Majlis Agama Islam Wilayah Persekutuan (MAIWP), Pusat Pungutan Zakat (PPZ), *Kuala Lumpur Food Truck Entrepreneurs Association*, Masjid Jamek Sultan Abdul Samad, Kuala Lumpur, Jabatan Penerangan Malaysia, Jabatan Kesihatan Kuala Lumpur, Polis Diraja Malaysia (PDRM), Kementerian Dalam Negeri, Tourism Malaysia, Peniagaawati dan Jabatan Perangkaan Malaysia.

Objektif utama program ini ialah mengimarahkan dan memakmurkan Ramadan sebagai bulan ibadah dan keprihatinan sesama insan, merapatkan dan mengeratkan silaturrahim serta toleransi antara kaum, menyemarakkan kebudayaan dan kesenian Islam kepada pelancong tempatan dan antarabangsa menerusi Program Pelancongan Budaya (*Culture Tourism*). Program ini juga dapat menyemai nilai-nilai murni dalam kalangan masyarakat melalui aktiviti bergotong royong dan sukarelawan budaya yang terdiri daripada pelajar Institusi Pengajian Tinggi, badan bukan kerajaan dan orang perseorangan.

Iftar @ KL tahun ini merupakan penganjuran kali ke -13 oleh JKKN sejak pelaksanaannya bermula tahun 2012. Selain dapat berbuka di atas jalan di Dataran Merdeka Kuala Lumpur, terdapat juga Program Jom *Exchange* Al-Quran yang merupakan program kerjasama dengan Kementerian Dalam Negeri iaitu pemulangan Al-Quran yang tidak mendapat kelulusan dari pihak KDN dan digantikan dengan Al-Quran yang telah diluluskan oleh KDN. Selain itu juga, Iftar @ KL 2025 dimeriahkan lagi dengan pelbagai pengisian menarik seperti Penyediaan dan Pengagihan Bubur Lambuk, Solat Berjemaah, Tadarus Al-Quran, Tazkirah Ramadan, Bicara Ramadan, Sukarelawan Skuad Budaya, Kaunter Zakat Fitrah dan Jualan Makanan *Food Truck*.

Pada tahun ini, Iftar @ KL telah mendapat sokongan dari syarikat korporat iaitu Pusat Pungutan Zakat, AGRO Bank, Felda Global Ventures (FGV), Suria FM, Nu Ideaktiv Sdn. Bhd, Bank Simpanan Nasional (BSN) dan penajaan dari syarikat-syarikat terkenal iaitu Syarikat Minuman F&N dan Vida, ADABI dan Boh Plantation Sdn . Bhd.

“Iftar @ KL yang dilaksanakan oleh JKKN ini merupakan salah satu pendekatan yang positif dalam memupuk nilai-nilai murni dan jati diri kepada masyarakat bandar dan khususnya generasi muda seperti contoh melalui aktiviti gotong-royong memasak bubur lambuk, program sukarelawan dan agihan bubur lambuk kepada golongan asnaf dan gelandangan. Penganjuran program sebegini juga merupakan tanggungjawab sosial Kementerian ini ke arah mencerminkan kerajaan Madani demi kesejahteraan rakyat Malaysia,” jelas YB Tuan Khairul Firdaus Akhbar Khan.

Bagi mendapatkan maklumat dan keterangan lanjut mengenai program ini, orang ramai boleh melayari media sosial JKKN iaitu myesenibudaya dengan pautan www.facebook.com/mysenibudaya.

-TAMAT-

Dikeluarkan Oleh:

Unit Komunikasi Korporat

Jabatan Kebudayaan dan Kesenian Negara

Tel : 03-2614 8200 Faks : 03-2697 0786

Website: www.jkkn.gov.my **Email:** ukk@jkkn.gov.my

Platform Media Sosial Rasmi JKKN:

Facebook: @Jabatan Kebudayaan dan Kesenian Negara dan @mysenibudaya

Instagram, Twitter & You Tube : @mysenibudaya

Untuk Pertanyaan, Sila Hubungi

Mazidah Binti Mustapha Pengarah Unit Komunikasi Korporat, JKKN mazidah@jkkn.gov.my Tel: 03-2614 8200	Nik Mohd Fadly Bin Nik Mat Penolong Pengarah Kanan Unit Komunikasi Korporat, JKKN nikfadly@jkkn.gov.my Tel: 03-2614 8200 / 013-382 2115
---	---

SENARAI PENERIMA SUMBANGAN

1. Rumah Yayasan Amal Malaysia
2. Rumah Pertubuhan Kebajikan Ar- Riqab Kuala Lumpur
3. Rumah Kasih Harmoni
4. Rumah Penyayang Nur Iman
5. Eumah Anak Yatim Shifa
6. Pusat Jagaan Husna Arrashid
7. Rumah Pertubuhan Kebajikan OKU Al-Hadid Ampang
8. Maahad Tahfiz Raudhatus Salam
9. Rumah Anak Yatim Raudhatul Al-Faez
10. Rumah Pertubuhan Kebajikan Anak Yatim dan Asnaf Teratak Ummi
11. Persatuan Kakitangan Perkhidmatan Utama (PKPU) Jakim
12. Tahfiz Darul Furqan Kg Padang Balang